



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1843**

VII. Fürst Casimir von Pommern schenkt am Tage der Einweihung des Domes zu Havelberg dem Capitel daselbst eine Anzahl von Dörfern zu dem Zwecke, in einem derselben (in Brode) ein ...

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

ditione aliqua retinere. Prohibemus eciam ut nulli fratrum vestrorum post factam in eodem loco professionem aliqua levitate sine prioris sui clementia fas sit e clauetro discedere, discedentem vero absque Communi literarum canonicorum nullus audeat retinere. Decernimus ergo ut nulli omnino hujusmodi liceat potestatem temere perturbare aut eius possessioni auferre vel ablatos retinere, minuere aut aliquibus vexationibus fatigare, sed omnia integra conseruentur eorum pro quorum gubernatione et sustentatione concessa sunt usibus omnimodo profutura, salva sedis Apostolice auctoritate et dioecani Episcopi canonica Iusticia. Si que igitur in futurum ecclesiastica secularisve persona hanc nostre constitutionis paginam sciens contra eam temere venire tentaverit, secundo tercione commonita, si non satisfactione congrua emendauerit, potestatis honorisque sui dignitate careat, reumque se divino iudicio existere perpetrata iniquitate cognoscat et a sanctissimo corpore et sanguine dei et redemptoris nostri Jesu Christi alienus fiat Atque in extremo examine districte ultioni subiaceat. Cunctis autem eadem loca iusta seruantibus sit pax domini nostri Jesu christi . . . . . et hic fructum bone actionis percipiant et apud districtum iudicem premia eterne pacis iuueniant. Amen.

Nach demselben Copiaro, was besonders bei dieser Urkunde sehr fehlerhaft ist, z. B. für Burchwardium: Burchardi für eciam: ecclesiam und dergleichen sichtbare Schreibfehler enthält. Ungenauer Abdruck in L. v. Ledebur N. N. Archiv I, 369.

**VII.** Fürst Casimir von Pommern schenkt am Tage der Einweihung des Domes zu Havelberg dem Capitel daselbst eine Anzahl von Dörfern zu dem Zwecke, in einem derselben (in Brode) ein Prämonstratenser-Kloster zu gründen, im Jahre 1170.

In nomine patris et filii et spiritus sancti. Casimirus Dei gratia Pomeranorum princeps. Quoniam larga nos Dei clementia diuitiis et honore pre multis aliis mortalibus cumulare et excellentia terrene potestatis dignata est sublimare, placuit etiam nobis deuotionem animi nostri ei ostendere et oblatione competentis muneris debitas gratiarum actiones beneficii diuinis repondere. Sit ergo omnibus notum, tam futuri quam presentis temporis fidelibus, nos in die dedicationis Havelbergenfis ecclesie, consentiente nobis fratre nostro Boguzlao, quasdam uillas Deo et sancte Marie perpetue uirgini sanctoque Petro, apostolorum principi, uoluntaria donatione et prompta mente obtulisse, quas susceperunt a nobis uiri religiosi, scilicet canonici de congregatione Havelbergenfi, regulam sancti Augustini secundum institutionem beate memorie Noirberti Magdeburgenfis ecclesie archiepiscopi professi, perpetuo iure cum omnibus subscriptis pertinentiis suis stabiliter proprie possidendas. Quarum uillarum ea ratione alacri studio ratam eis indulimus possessionem, ut adunatione perforarum eiusdem professionis seruitium Dei in una earum, que ipsis aptior fuerit, agatur sine intermissione perpetua temporum reuolutione. Locum uero eundem Deo oblatum cum omnibus pertinentiis suis a nobis alienando manumimus et ab omni exactione iuris, quod in eo habuimus uel habere debuimus, uel quisquam ex parte nostra, liberrimum constituimus. Absolimus etiam eosdem fratres nostros et homines ipsorum, tam Slauos, quam Teutonicos, ab omni exactione thelonei per totam terram nostram, tam in terra quam in aqua, in foro uidelicet, in pontibus, in urbibus et in nauibus. Precipimus etiam similiter omnibus sub culmine nostre potestatis degentibus, ut sollerti custodia studeant obseruare, ne ab ullo pestilente quolibet dampno, siue clam siue palam illato, familiariter nobis dilecti huius ecclesie canonici grauentur, quia non solum reus, si detectus fuerit, capitali sententie subiacebit, uerum etiam

potentes eis vicini, quorum studio et uirtute poterant ab iniuria dampni tueri, cum bonorum suorum dispendio sentient atrocem districte seueritatis uindictam. Hec autem est descriptio et denominatio bonorum, que illi ecclesie contulimus, uidelicet uillam Bruode cum foro, taberna et omnibus attinentiis suis, similiter et has uillas: Woiutin, Caminiz, Wogarzin, Szilubin, Calubye, usque in flumini qui uocatur Pretustniza, Patfutin, Wolcazein, Crukowe, Michnin, Pacelin, Vilim, item Vilim Carstici, Cyrice, Wuzstrowe castrum cum uilla. In Raduir: Podulin, Tribinowe, Wigon, Cuffowe, Tuartlulin, Dobre, Step, Rouene, Priulbiz, Nicakowe, Malke, Kamino, Lang, Ribike, Tsaple, Nimyrow, Malkowe, Stargard et Lipiz cum omnibus uillis suis usque in stagnum Woblefko et sursum Huelam usque Chotibanz, et desertas uillas, que a Vilim inter fines Chotibanz, Lipiz et Huelam iacent. Dedimus etiam eis salinam, que est in Colkle cum omni utilitate, que per laboris industriam futuro tempore fieri potuerit ibidem ex sale. Has uillas et hec omnia supra nominata cum omnibus, que ad uillas pertinent, hoc est arcis, edificiis, mancipiis, terris cultis et incultis, pascuis, pratis, campis, exitibus et redditibus, filuis, uenationibus, aquis, aquarumue discursibus, molendinis, piscationibus, niis et inuis, questis et inquirendis, cum omnibus, que ullo modo dici aut nominari possunt, ad prefatam ecclesiam tam integre tradimus, tam absolute donamus, ut prepositus ecclesie cum fratrum suorum uoluntate libera potiatut facultate et omnes in eodem loco eiusdem professionis ei succedentes, hec omnia pro libitu suo disponendi et ad utilitatem ecclesie eiusdem modis omnibus conuertendi. Concedimus quoque omnibus hominibus nostris, ut si quis ex eis diuina monitus inspiratione aliquid de bonis, que a nobis possidet, predictis fratribus conferre uoluerit, liberam habeat licentiam hoc faciendi et ipsi fratres liberam nichilominus habeant facultatem recipiendi et in usus proprios ea libertate, qua cetera donauimus, conuertendi. Et ut hec nostra traditio inconuulsa firmitate per omnia succedentium curricula temporum inuiolabilisque permaneat, presentem paginam sigillorum nostrorum testimonio sussultam eis deuote tradimus. Actum Huelberg anno dominice incarnationis M<sup>o</sup>C<sup>o</sup>LXX<sup>o</sup>, epacta I<sup>a</sup>, concurrente III<sup>a</sup>, indictione III<sup>a</sup>, regnante domino Friderico, glorioso Romanorum imperatore, presentibus ex clero: domino Wichmanno Magdeburgensis ecclesie archiepiscopo, Walone Huelbergensi episcopo, Wilmaro Brandenburgensi episcopo, Gherungo Misnensi episcopo, Euermodo Raceburgensi episcopo; ex laicis uero: Alberto Brandenburgensi marchione, Ottone filio eius, ius Marchie tunc tenente, Hermanno comite de Horlemunde filio eius, Theoderico comite de Werben filio eius, Alberto comite de Balstede filio eius, Bernardo comite de Anehalt filio eius, Wernero comite de Osterburg, Cunrado de Witin, Theoderico de Tanghermunde, Hermanno de Plote, Hartmanno, Heinricho et Rodolfo de Jerichow et aliis quam pluribus fidelibus. In domino feliciter Amen.

Nach dem Originale des K. Geh. Kabinet's Archives. Nach demselben bereits abgedruckt in den Jahrbüchern des Meckl. Vereins III, 197 — 200 und in Gercken's Cod. dipl. Br. III, 73, mit vielen Fehlern in Küsters Opusc. Collect. XVI, 140 und Buchholz a. a. D. IV, Urf. Anh. S. 15.

**VIII.** Herzog Boguslaw von Pommern stellt das Kloster Grobe wieder her und besetzt selbiges mit Mönchen aus dem Havelberger Hochstifte, im Jahre 1177.

In nomine sancte et indiuidue Trinitatis. Ego Boguslaus, Dei gratia Pomeranorum Dux, Vniuersis Christiane fidei domesticis tam nunc existentibus quam deinceps nascituris manifestum